



3684

lat.konig

III. Mag. St. Dr.

P

Proc. 262


Jarocensis Joannis: Sol in curia Bethlehemensis
ortus Christus Deus noster typis concertu
celebratus.


POËT

Biblioteka Jagiellońska



stdr0004537





(†)

S O L

In Cunis Bethleemiticis Ortus

CHRISTUS

DEVS NOSTER.

Lyrico Concentu Celebratus.

A C

ILLUSTRI & MAGNIFICO DOMINO,

D. VESPASIANO

à KOCHOW

KOCHOWSKI,

S. R. M.

CVBICVLARIO,

Inclyti Sarmatici Regni celeberrimo

HISTORIOGRAPHO &c.

In Strenam.

A

IOANNE TARCZEWSKI,

In Alma Uniuersitate Crac: Artium & Phil: Baccalaureo.

cum submissa Veneratione

& gratulatorio Applausu

M. d. L. L.

Y X
Y V Y

O B L A T V S.

ANNO QVO

MVNDVS in exortV SoLis LxtatVr; & VLtra

Diffugiunt Nubes; SOLE oriente DEO.

1686

CRACOVIAE, TYRIS UNIVERSITATIS.

In Gentilitium Insigne,
Illustris & Magnifici Domini.



Excubat inuigilans Arbor NIECZVIA vocata
Contra Bisthonianos Odryssiosq; lupos
Insidias pellit, quas hostis struxerat atrox
Ut Clypeo Patriam protegit illa suam,
Non jacet hic TRVNCVS truncus velut euolat astra ad
Quem Crucis in pennis magna trophæa trahunt
Gloria, fama decus NIECZVIÆ floret in Orbe
Florebitq; diu KOCHOVIANA Domus.

ILLVSTRIS & MAGNIFICÆ DOMINATIONIS TVÆ,

Obsequentissimus Filius

HIERONTMVS KOCHOWSKI

Grammatices Studiosus.

A D
ILLVSTREM & MAGNIFICVM DOMINVM,
Dñum Patronum ac Mecœnatem
Amplissimum,
AUTHORIS DEDICATORIA
P R O P H A S I S.

S*tsi nulla me Mathematicarum disciplinarum
commendet scientia, ego tamen Icario ausu
Principem Planetarum SOLEM Apollinis cy-
tharâ decantatum, Tuis hodiè presentandum
oculis esse duxi ILLUSTRIS AC MAGNIFICE DOMINE.
Fateor quidem priùs me debuisse Diuina Matheſi se-
dulam consecrare operam, Euclidi prima saltem dicere
labra, quam cum Astris in Tuum prodire lumen & No-
men: sed quoniam hîc non de naturali sed Mystico SOLE
agendum venit, ideò non ad discurrendum sed applauden-
dum impolito progredi ingenio licebit. Quanquam vero
cum Phaetonte alta peto, cum non sit mortale quod opto, ni-
hilominùs tamen ad exortum in Terris nouæ LVCIS, non
quidquam aliud nisi LVCEM immò Ipsum Authorem Lucis
offerrès Tibi tanto impar oneri libenter mea brachia suppono.
Et meritò sanè: quid enim aliud Tibi ILLUSTRIS AC MA-
GNIFICE DOMINE inter hos festiuos Applausus, in mu-
nus cedere debet, quam SOL cuius beneficio ac principali cau-
sa & influxu Gentilitia Tua ARBOR adeò effloruit, adeò
excreuit; ut nunquam decrescere possit. Triumphale CRUCIS
signum virenti gloria decorat Illam, & non Dadaleis sed
Aquilinis pennis ad excelsa honorum fastigia, alta dignita-
tum subselia prouocat euocatq; semper Tuo augusto Stemmati
inmarcescibiles conueniunt Laurus, dum Tuum Nomen
remotas it Rhodos, fama q; faustas peruolat Insulas, occa-
sum q; gloriæ & Eclipsim nunquam patietur, cuius præcla-
ra in Republica merita ac doctissimus CALAMUS ad æuiter-
nam memoriam vigebit. Loquetur sera posteritas inclytæ
semper de Te Elogia, & eximia Tua facta eruditissimumq;*

pectus obstupescet. Obstupescit & præsens atas dum Te Virū omni laude dignū, quem musa vetat mori gloriæ Panegyri celebrandum agnoscit. Experitur id Augusta Sarmatica AQUILA cum Te toties feruentem boni publici in Comitibus CANTONEM, in bellicoso Martis certamine strenuum armis & consilijs ACHILLEM, in Casibus Patria iuuandis ATLANTEM veneratur. Verum si Memphim, si elinguem indueret Athym non iam officiosa Musa, ipsa Historialis gesta canens Clio copiosum in encomia Tua bibit stylum, ac immortalis calamo augustum Nomen adorabit. Sed quid ego laudum Tuarum texo Panegyrim? cum earum magnitudo omnem absorbeat ac præripiat apparatus, ad beneficam humanitatem Tuam calamum intendo, quam plenis experior alueis, perennesq; haurio beneficentia lasices, atq; omnem beneuolentiam agnosco. Spatium Anni iam elapsū ex quo me indignum ad Tua affectus penetralia suscepisti, in numerum Clientū adscripsisti, dum carissima Pignora fideli Institutioni credidisti. Quanquā hac fors mouit quorundam maleuolentiam, inuidog; non caret dente, non mirum: cum Virtutis ac fortune Comites sint. Litor & Inuidia. Quare pro his ac alijs beneficijs en Tibi tibi cano, cum tibi non possim, quandoquidem minoribus hostiis placant superos quibus non sufficit Hecatombe. Ergo hoc vile munus intra Tui beneuoli animi admitte sinum, quod si displicet, certe offerentis animus & voluntas non erit ingrata; suscipe serena fronte & mente SOLEM lyrico concentu celebratum, qui licet pusillus sit, cum hic decreuit Gigas, sed tamen magnitudinem suam non exiit etiam in Infante Gigas est à quo ut Magno quaq; opto maxima, augeat Tibi hoc clarissimum Sydus longæuos & serenos Soles, augeat immortalitatem gloriam, que in Gentilitia Tua ARBORE virescat nō marcescat; cedant ad tantæ Lucis exortum quæuis animi nebula & ad renascentem SOLEM aurea Tibi semper recurrant ac renascantur secula. Ita voueo & precor sub Tuo patrocínio dies noctesq; ducere cupiens.

Jilustris & Magnificæ Dominationis Tux Honori ac Nomini,

Deditissimus Client,

JOANNES TARCZEWSKI, AA. & Phil. Baccalaureus.

S O L
In Cunis Bethleemiticis
O R T V S.



Sfurge lætus Phæbe Pater faue
Liræ canenti; Castaliæ Deæ.
Gratum melos nunc exhibete,
Dulcisonas cytharas mouete.

Vates Celebres Thespia Lumina
Alcæus adsit, Pindarus, Ibicus,
Sappho, Alæmon, Stesichorusq;
Bacchylides Anacreon ipse.

Iam læta suavis vox geminet sonum,
Iam summa cordis gaudia concitet,
Fundatq; plausus nunc amænos,
Nectareis recreata lymphis.

Orpheus Urbes altaq; mænia,
Plectris sonorís muta animalia.
Mulcens fauentes ad choreas,
Iam properet modulando cantus.

Quæ dum loquor sic: Fons Aganippidum,
Riuos aquarum mox aperit mihi,
Phæbus, Camenæ læta dicunt,
Verba citò acceleremus omnes.

Quidquid Pelasgi carmine Barbyti
Quidquid per oras Ausonias sacri
Lusere Vates; cedat istad
In cytharas hodiè & corymbos.

B

Auditur

Auditor & Thrax, si modulamina
Traxisse dicit vocibus agmina
Plausissè; multò plus libenter
Illa sonent modò dulce carmen.
Cum totus Orbis nil nisi gaudia
Fundit, recedunt omnia tristia,
Affulsit en iam SOL serenus
Iustitiæ DEUS ipse SOL est.
Illi Polorum Seraphini canunt,
Exultat omnis Spiritus, & gregem
Pastor relinquit, tibiisq;
Dulce melos loquitur sonoris.
Acanthis altas Huic Philomelaq;
Alauda voces promit & obstrepat,
SOLEM nouum cantu salutat
Mirifico recreando saltu.
Idola Memphis cum Statuis ruunt
Nascente nostro SOLE DEO, ferunt
Fructus beatos, Vineæ dum
Ballama progenerant abundè.
Hæc orta LUX est Iessiadum solo,
Dispersit atras lumine noctium
Nubes, remouit Protoplasti
Atq; Pharum fidei locauit.
Tum vidit Orbis tres simul aurei
Soles Olympi; qui citò in Unicum
Solare corpus sunt redacti
Denotat hos coluisse SOLEM.
Qui cuncta terris lætificata qui
Facturus esset, Cymmerias procùl
Umbras; fugando lucidasq;
Omnibus instituisset horas.

Il-
lu-

670
ILLUSTRAT HIC TE VESPASIANE SOL
ORTUS BETHLEEM DOTIBUS INCLYTIS
ILLUSTRAT, IN TE GRATIARUM
FUNDIT ACUMINA MULTA RERUM.

QUIDQUID DECORO; NOMINE GEMMIFER
NYLUSQ; GANGES PACTOLUS IN SE HABET
TOTUM TIBI LUX ORTA DONAT
VIR MERITIS CELEBRIS KOCHOWSKI.

TU MILLE FULGES AUCTUS HONORIBUS,
ES IPSE SPLENDOR STEMMAE ARBORIS
QUAE FLORET & FLOREBIT ALMA,
TEMPORA LECHIADUM CORONANS.

QUAM SACRA CRUX AD SYDERA PROUOCAT,
QUAM PENNA LECHÆI ALITIS IN CLYTI
EXTOLLIT ALTUM CUM STUPORE
CULMINA CELSA PETENS HONORUM.

ORNAS AUITUM STEMMA TUUM STYLŌ
ET MARTE PRÆSTANS HISTORIOGRAPHE,
DUM GESTA REGUM, BELLA REGNI
SARMATIÆ CALAMO NOTASTI.

REX SARMATARUM DELICIÆ SUÆ
GENTIS IOANNES TERTIUS, INTIMŌ
COMPLECTITUR TE CORDE, CERNENS
MENTIS EBUR NIEUEUM ERUDITÆ.

CUI NUPER EXTRA TU SOCIATUS ES
FINES; VIENNAM TU COMITATUS, UT
SPECTARE POSSES & NOTARE
QUAM CELEBRES MERUIT TRIUMPHOS.

MERERIS OMNES LAUDIS ADOREAS,
REGES DUCES, CUM PECTORIBUS SUIS
IN TE FERUNTUR; REGIBUSQ;
MAXIMA LAUS PLACUISSE SUMMIS.

Splen

Splendore quanto quâ Sapientiâ
Responsa præbes Comititalia,
Oris catenâ Tu salutem
Scis publicam Patriæ iuuare.

Tu vincis omnes Hystoriographos
Utroq; Diuini ingenij stylo,
Terras per æquor Te sequuntur.
Te Charites comitantur omnes.


Sæclis tot ergo fama Tuæ ARBORIS,
Descendit in Te laus celeberrima
Præclara maiorum trophæa,
NIECZUACÆ decus omne gentis.


Ortus Tibi SOL HISTORIOGRAPHE
Regni; det annos fulgida tempora,
Semper serenos fundat in Te
Atq; Domum radios benignos.

Procul recedant nubila temporum
Viuas beatus Nestoreos dies
Necnon agas Soles amænos;
Detineat libityna falcem.

Extincta nunquam sit Tua gloria,
ARBOR vigendo prospera semina,
Sortis, per æuum proferendo
Cum CRUCE floreat atq; PENNIS.







Biblioteka Jagiellońska



stdr0004537

